



Concello de Vigo

**D<sup>a</sup>. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na **sesión ordinaria do 3 de decembro de 2021**, adoptou o seguinte acordo:

**10.- BASES DE PARTICIPACIÓN DO CONCURSO “VENTE COS REIS MAGOS” 2021-2022. EXPTE. 9047/335.**

Visto o informe xurídico do 26/11/2021, dáse conta do informe-proposta do 25/11/2021, asinado pola xefa do Servizo de Festas e polo concelleiro-delegado de Área, que di o seguinte:

O Servizo de Festas está a organizar a tradicional Cabalgata de Reis, que terá lugar o día 5 de xaneiro de 2022, mércores, na cidade de Vigo.

Como vén sendo habitual, o concello ofrece ás nenas e aos nenos da nosa cidade a posibilidade de participar activamente neste evento, mediante a convocatoria do concurso: **“Vente cos Reis Magos”**.

O concurso ten por obxecto seleccionar a corenta nenas e nenos da cidade para acompañar ás súas maxestades nas carrozas reais, dentro da comitiva real.

Este concurso ten como única limitación a idade dos participantes por motivos de seguridade. Nesta edición só poden participar aqueles nenos e nenas nados entre o 1 de xaneiro de 2009 e o 31 de decembro de 2013.

A inscrición para o concurso realízase cumprimentando unha solicitude que poderase descargar da páxina web municipal ([www.vigo.org](http://www.vigo.org)); así mesmo repartiranse exemplares destas solicitudes entre os centros cívicos, colexios e asociacións culturais do termo municipal. Só se aceptará unha solicitude por nena/o. Os pais, as nais ou as persoas titoras dos nenos seleccionados terán que asinar a pertinente autorización ou, se é o caso, a renuncia expresa.

As solicitudes depositaranse nas caixas de correos do Carteiro Real que se instalarán na entrada á Lonxa da Casa do Concello e nos Centros cívicos de Teis, Casco Vello, Coruxo e Saians.

As bases de participación para este concurso publicaranse mediante anuncio na páxina web municipal [www.vigo.org](http://www.vigo.org).

Á vista do exposto, previo o informe xurídico e previa conformidade do concelleiro delegado da Área de Participación Cidadá e Festas, formulamos á Xunta de Goberno a adopción do seguinte,

**PROPOSTA:**

Aprobar as Bases de participación que se achegan como anexo ao presente informe ao concurso 'Vente cos Reis Magos 2021-2022' que teñen por obxecto seleccionar a corenta nenas/os para acompañar aos Reis Magos na comitiva real da Cabalgata de Reis 2022”.



Copia do documento - Concello de Vigo	Data impresión: 07/12/2021 11:24	Páxina 1 de 5
9047-335	CSV: A4ADA9-BF4288-CFC52F-5MZYRB-Y8R1BX-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

## **ACORDO**

A Xunta de Goberno local aproba a proposta contida no precedente informe.

### **BASES DE PARTICIPACIÓN DO CONCURSO “VENTE COS REIS MAGOS 2021-22”**

#### **1 Obxecto**

O obxecto deste concurso é seleccionar a corenta nenas e nenos, en total, para acompañar aos Reis Magos na Cabalgata de Reis, que terá lugar na cidade de Vigo o día 5 de xaneiro de 2022. As/os nenas/os serán repartidos en grupos de dez nas tres carrozas reais e na do Carteiro Real.

#### **2 Requisitos de participación**

Neste concurso poderán participar todas as nenas e todos os nenos da cidade que o desexen.

A única limitación por motivos de seguridade será a idade: só poderán participar aqueles nados entre o 1 de xaneiro de 2009 e o 31 de decembro de 2013, ambos incluídos.

Así mesmo, as nenas e nenos seleccionados en edicións anteriores non poderán tomar parte neste concurso.

#### **3 Lugar de presentación de solicitudes**

As inscricións depositaranse nas caixas de correos do Carteiro Real que se instalarán na entrada á Lonxa da Casa do Concello e nos Centros Cívicos de Teis, Casco Vello, Coruxo e Saiáns.

Para participar só será necesario cubrir a solicitude de participación que poderá descargarse da páxina web municipal ([www.vigo.org](http://www.vigo.org)) así mesmo repartiránse exemplares entre centros cívicos, colexios e asociacións culturais.

Só se aceptará unha solicitude por nena ou neno, sendo eliminados do concurso aquelas persoas que presenten máis dunha solicitude por nena/o.

O período de inscrición será do 09 ao 16 de decembro de 2021, ambos incluídos, (consultar horarios apertura dos centros cívicos).

Finalizado o prazo de inscrición elaborárase unha lista de participantes. Ao abeiro de dita lista convocarase sorteo público.

#### **4 Protección de datos**

A protección de datos garante o dereito dos cidadáns e cidadás a controlar os seus datos persoais e a dispor e decidir sobre os mesmos. Toda a cidadanía ten o dereito fundamental á protección da súa privacidade e dos seus datos persoais.

O tratamento dos datos de carácter persoal que se reciban a través desta sede electrónica axustarase aos principios e obrigacións establecidos no [Regulamento do Parlamento Europeo e do Consello de 27 de abril de 2016 \(RGDP\)](#), relativo á protección das persoas físicas con respecto ao tratamento de datos persoais e á libre circulación dos ditos datos, e polo que se derroga á



Copia do documento - Concello de Vigo	Data impresión: 07/12/2021 11:24	Páxina 2 de 5
9047-335	CSV: A4ADA9-BF4288-CFC52F-5MZYRB-Y8R1BX-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

Directiva 95/46/CE, e a [Lei Orgánica 3/2018, do 5 de decembro, de Protección de Datos Personais e garantía dos dereitos dixitais](#).

O Concello de Vigo comprométese ao cumprimento da súa obrigaón de confidencialidade con respecto aos datos de carácter persoal que poidan ser solicitados a través dos servizos da súa sede, e ao seu tratamento. Para estes efectos, adoptaranse as medidas necesarias para evitar a súa alteración, perda, tratamento ou acceso non autorizado.

A recollida e tratamento automatizado de datos de carácter persoal ten como única finalidade a prestación dos servizos solicitados, e o seguimento de consultas realizadas polas persoas usuarias.

Os datos persoais proporcionados conservaranse durante o tempo necesario para cumprir coa finalidade para a que se recollen e para determinar as posibles responsabilidades que se puideran derivar da finalidade, ademais dos períodos establecidos na normativa de arquivos e documentación.

Con carácter xeral non se comunicarán os datos persoais a terceiros, salvo obrigaón legal, entre as que poden estar as comunicacións a xuíces e tribunais.

En todo momento poderanse exercer os dereitos de acceso, rectificación, cancelación ou oposición solicitándoo á Dirección da Axencia por calquera medio que deixe constancia do seu envío e da súa recepción.

Máis información: [https://sede.vigo.org/expedientes//sede\\_textos/texto.jsp?idt=sede\\_lopd&lang=gal](https://sede.vigo.org/expedientes//sede_textos/texto.jsp?idt=sede_lopd&lang=gal)

### 5 Lugar e data do sorteo

Finalizado o prazo de inscrición convocarase o sorteo público. Este sorteo realizarase ante a funcionaria municipal que ten asignada a fe pública, para a selección dos corenta (40) participantes.

O sorteo realizarase o día 20 de decembro de 2021, ás 12:00 horas, no Auditorio Municipal da Casa do Concello.

No sorteo, ademais das nenas e nenos seleccionadas/os, elixiranse doce suplentes para cubrir posibles baixas ou renuncias.

Do resultado do sorteo elaborárase unha lista dos 40 candidatos seleccionados e unha lista de 12 suplentes.

### 6 Documentación a achegar das persoas seleccionadas

Os pais, nais ou titor/es das nenas e dos nenos seleccionados no sorteo deberán, previa comunicación do Servizo de Festas, achegar a seguinte documentación:

- A autorización de participación da nai/pai/titor/a do neno ou nena, segundo modelo facilitado polo Servizo de Festas
- A autorización para o uso de imaxes dos nenos e nenas participantes que se obteñan na vía pública



Copia do documento - Concello de Vigo	Data impresión: 07/12/2021 11:24	Páxina 3 de 5
9047-335	CSV: A4ADA9-BF4288-CFC52F-5MZYRB-Y8R1BX-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

- DNI ou libro de familia no que se acredite a idade do neno ou nena
- Documento acreditativo da súa condición de pai, nai ou titor/a do menor seleccionado
- Un número de teléfono de contacto onde localizar ao pai/nai/titor/a e unha dirección de correo electrónico onde notificar o requirimento de documentación

No caso de non achegar esta documentación no prazo indicado polo servizo de festas, o concello poderá decláralos decaídos da súa solicitude de participación, e procederase a un novo chamamento na lista de suplentes.

O neno ou nena, que por razóns persoais, non poda asistir á cabalgata, deberá comunicalo o antes posible ao servizo municipal de festas, co fin de cubrir dita praza.

## 7 Seguro de RC

O Concello de Vigo disporá dunha póliza de responsabilidade civil que cubra os danos ocasionados ou sufridos polos participantes no desenvolvemento deste evento.

## 8 Órgano competente

O concelleiro de Participación Cidadá e Festas queda facultado para resolver as posibles eventualidades que poidan xurdir no desenvolvemento deste concurso e que non estean previstas nestas bases.

## 9 Publicidade

As bases de participación neste concurso publicaranse mediante anuncio na páxina web municipal [www.vigo.org](http://www.vigo.org) e nos medios de comunicación locais.

## 10 Outras obrigas

A inscrición para participar neste concurso supón a aceptación íntegra das presentes bases.

Todo neno ou nena que participe como figurante na cabalgata, deberá ir acompañado en todo momento por un adulto responsable. Este adulto, estará obrigado a participar nunha charla informativa sobre seguridade que será impartida por este concello o día 3 de xaneiro ás 10:00 horas no auditorio municipal. Do mesmo xeito deberán colaborar co persoal encargado da organización do evento durante o recorrido de la Cabalgata.

## 11. Normativa sanitaria

Cada participante debe cumprir coa normativa COVID-19 vixente no momento da execución do evento e coas medidas establecidas nesta materia da autoridade correspondente.

No caso de que a normativa sanitaria derivada da COVID-19 ou outras causas de forza maior non permitan realizar o PERCORRIDO da Cabalgata de Reis 2022, o concurso quedará sen efecto ao suspenderse o acto de acompañamento aos Reis Magos.



Copia do documento - Concello de Vigo	Data impresión: 07/12/2021 11:24	Páxina 4 de 5
9047-335	CSV: A4ADA9-BF4288-CFC52F-5MZYRB-Y8R1BX-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.  
O ALCALDE,  
Abel Caballero Álvarez.



Copia do documento - Concello de Vigo	Data impresión: 07/12/2021 11:24	Páxina 5 de 5
9047-335	CSV: A4ADA9-BF4288-CFC52F-5MZYRB-Y8R1BX-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		